



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDLXXXV.

urn:nbn:de:hbz:466:1-42840

etiam alios extensam, qui è studiosis non constant, sub quocunque Deiparæ titulo erigantur.

Inspira-
tionibus
diuinis
parere.

289 Goanæ Domus Probationis annuæ anno 1584. Miles, aiunt, cum diu vocanti DEO pertinaci mente resisteret, ob eamque causam magnis conscientiaë stimulis agigaretur, stratus ante venerandam DEI Matris imaginem, vsque eo animatus est ad parendum, vt statim abiecto peccatorum onere per confessionem, illustriorem diuinæ voluntatis significationem non expectarit: testis insuper factus, quantis è tenebris se se expediat, quisquis ad candidissimam Deiparæ lucem propius accesserit. *Tu*, inquit ad Deiparam Virginem Ioannis Monachi Zonaræ canon, *tu anima mea tribue, vt bona eligat.*

Incit.
n. 53.

Biblioth.
PP. tom.
16.

Laudes
illius è
vetustate
eruere.

290 Colitur etiam Deipara si è Græcis Patri- bus vetera, quæ ad eius laudem pertinent eruantur. Fecit id is, qui hoc anno Augustæ diem obiit P. Theodorus Peltanus, qui è Græco Latinè edidit, vt refert Marraccius, orationes de B. V. S. Procli, S. Basilij Seleuciæ Ep. S. Ioannis Chrysofomi, & alio- rum, impressas Ingolstadij 1579. Laboremus erudi- tione quantâ possumus pro inclyta gloria DEI Ma- tris: quiescemus olim à sacris hisce laboribus apud illam cui psallit S. Bonauentura: *In pulchritudine pacis, & requie opulenta cibabis nos post laborem pere- grinationis nostræ.*

ps. 9.

ANNO MDLXXXV.

291 Ope Deiparæ prius enixè imploratâ ante pœnitentiæ Sacramentum eam quam hoc sacramen- tum meretur diligentiam accuratione maiore adhi- bebimus. Quam in rem hoc anno annuæ Nolanæ quiddam narrant: cui similia sunt alia complura, & nota. Certè illa quæ animas ad nos destinat expian- das,

Vid. Incit
n. 54. 55.

das ; etiam spem porrigit fore, vt nos, & illas ad omnia ritè obeunda enixè adiuuet, omni, si quæ istic est, conscientia tabe exemptâ. Eiusdem Ioannis canon: *Cum, ait, fontium pœna sint aterna, O Virgo, iuuua me. senitas meas, ò veneranda, dirige ad pœnitentiam.* Certè si Iudicis supremi bilancem, & diuinæ Matris opem ijs, qui apud nos peccata sua deponunt non segniter exposuerimus, erit illa non cum incuria, vt sæpè fit, sed persanctè, ac solidam cum voluntate confessio. *Est, inquit Idiota, vetus autor, est aduocata nostra apud Filium: sicut Filius apud Patrem. imò apud Patrem, & Filium procurat negotia, & petitiones nostras, & sæpè quos iustitia Filij potest damnare, Matris misericordia liberat.*

292 Hic idem annus Angræ tetrum vidit spectaculum militis à templo ad lusum auocati, & in eo atrocissimè se dæmonibus, ob infelicem aleam, deuouentis, ac dæmones esse negantis, cum non adsint vocati ad prædam: qui deinde repentè surdus, & mutus, rabidi canis instar in omnes irruerit. Hunc nostri, nutibus ad diuinam misericordiam excitabant, & parere paratum, ac à morbo sensim exurgentem scripto sunt exhortati (quod narrant annuæ Lusitanæ) *vt ad commune omnium perfugium, cali terraque Reginam, preces frequenter adhibeat; ita fore, vt a DEO quicquid posceret, impetraret.* Nec inane consilium fuisse aiunt literæ. *Sabbato enim, inquit, quem Ecclesia diem colendæ DEI Matri vetere instituto dicauit, ad eius prostratus effigiem longas preces lachrymasque fundens, repentinâ, & inusitatâ voluptate perfusus percipere sibi ab eamunus aliquod videbatur.* Inde in aliud DEI Matris sacellum immigrat; & lychni pensilis oleo fauces hinc. Tum ad preces recurrit ardens, & in ipso

In pœnitentiæ Sacramêto ad B. V. opem cõfugere.

in prologo
Contempl.

Afflictis
eius cultum
perfuadere.

Sabbatū
piè colere.

precaationis æstu vox redit. Vt ergò se gratum, memoremque præberet, remisso militiæ nuntio, B. Virgini se dicauit: cuius etiam ædis ministerio in perpetuum se addixit, tanto futurus contra demones, quibus se tradiderat, tutior, quanto est eius quò se transtulit, tutela maior. Ecce consilium remissi ad opem Deiparæ peccatoris, seriâ eiusdem vitæ emendatione commendatum. Verè oleum effusum MARIÆ nomen, de quo sic pius, & sapiens, adeoque laudatus ille Idiota contemplatur, atque pronunciat: *Super omnia sanctorum nomina reficit lassos, sanat languidos, illuminat cæcos, penetrat duros, recreat fessos, ungit agonistas, & iugum diaboli extrudit.*

cap. 5.

Vid. Incis.
n. 55.Idiota
ibid.

293. Legionenses literæ aiunt, quòd cum penitentia sacramentum quodam in loco quidam perperam adhiberet, Deiparæ auxilio Patres, vt ei prædictum erat, offenderit; quibus ad confessionem adhibitis, magnum à DEL Matris beneficio lætitiæ fructum cœpit, magnoque suo emolumento vidit verum esse illud Idiote de B. Virgine pronunciatum: *Thesaurus Domini est, & thesauraria gratiarum ipseus.*

ANNO MDLXXXVI.

294. Hoc à suis magistris didicerat, vt consulticem Deiparam inops consilij adhiberet, idque faciebat impensè Patauinus ille scholarum nostrarum alumnus, qui, vt literæ de illo narrant, cum magnis conficeretur sollicitudinum aculeis, scrupulisque ex recordatione vitæ prioris, nullamque animo prorsus ægro, & saucio quietem capere posset, spem omnem salutis suæ in Beatissimæ præsidio Virginis repositam habebat. Ergò eam precatur suppliciter, orat, vt ferat laboranti opem, mæstoque succurrat: ei se commendat etiam, atque etiam.

Vid. reli.
qua Incis.
n. 56.